



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Observationes in Cap. VII. agens de Pœnis.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

prohiberi in illis casibus, quos enumerasset. 4. Quoties Delegatio prohibetur, toties Subdelegationem interdici, quod probasset exemplis in Jure relatis; 5. Quadam personas Ordinariam Jurisdictionem exercere posse, non posse autem à Pontifice delegari. Sic periculè expositum fuit hoc argumentum in TRACTATU de Jurisdictione.

Pluribus Exceptionibus subiectus casus, quos sub una referre debuisset. Tales sunt 2. 4. 5. 6. 7. 8. quas in unicâ circa Suspicionem includere debuisset; nam delegatus à Judice suspecto, suspectus est; conservator conservatorius sui suspectus foret; Domesticus Partis, & alius quisvis ipse Subditus, foret suspectus; idem est de eo, qui similem litem haberet; Judex, à quo provocatum fuit, suspectus esset; Judex in casu appellacionis, Judex nominatus ab alio postulatus, alteri litiganti suspectus est. Hoc modo statim percipitur, hos omnes casus propter Suspicionem prohiberi.

Aliæ duodecim Exceptiones cum suis Replicationibus & Duplicationibus ad duas Regulas reduci poterant, quarum una casus omnes, in quibus delegatio nulla est, complexa foret; alia verò omnes modos, quibus extinguitur. In singulis sub eodem prospectu colloca-ta suffit plurimæ res gravis momenti: id præstitum fuit in laudato tractatu.

Quod dictum fuit suprà, de casibus, in quibus Leges non obligant, applicandum est iussionibus Magistratum.

Quod dicit Autor de usu Mitræ QUÆST. V. n. 3. non convenit Magistratibus, de quibus agit.

#### OBSERVATIONES in CAPUT VI. in quo agitur de JUDICIS PUBLICIS & de Rebus quibuscumque ad ea tam generantur, quam speciatim pertinenib[us].

**A**Utor h[ic] proponit QUÆSTIONES octo, quarum Tertia & Quarta hic præcipue discutentur. Agit in Tertia de causis aut peccatis, quæ Judiciis Publicis obnoxium aliquem faciunt. Proponit hanc REGULAM, neminem puniri debere, qui s[ecundu]s non sit, nisi sub[secundu]s causa, quæ contrarium petat, neglecta expositione hujus exceptionis, XVII. alias refert, quæ reducuntur ad circumstantias, quæ à peccato eximunt, aut illud minuant, ita, ut non imputetur, quoad punitionem, aut vindictam publicam. 1. est, ut actio facta fuerit fine dolo, neque nocendi consilio, quod locum habet tantum in fatiis, aut infantibus, aut cæcis, aut coactis, aut personis ex alienâ fraude, sive ex qualitatibus ac virium potionis inscitia, ebris. Sic expoundet sunt sex priores Exceptiones, nec non Oftava, cum Textibus, quibus fulcuntur, desumptis ex CAUS. XV. QUÆST. I. & ex verbis Gratiani. Idem est de eo, qui agit ex iustitione Superioris, cui parere tenetur. REG. XXIV. de Reg. Jur. in 6. quoad Forum exterius restringendum est. Ad hanc rem pertinet Oftava Nona, reducitur ad eas, quæ sumuntur ex defectu usus rationis & pertinet ad bellus.

A Primâ excipiendo est casus, quo Lex facinus punit: 6. 1. de Homic. in 6. ab Undecima casus heretico aut excommunicationis, quæ post mortem ligant.

Duodecima & duæ sequentes False sunt, ex quo accusatio Actori publico reservatur. In Decima septima laudat verba Gratiani, tamquam pertinentia ad Can. si quis Potestatem 31. CAUS. XXIII. QUÆST. IV. Gratiani verba cum Textu confundit in Replicatione generali, quæ valde notabilis videtur, si locum habeat in omnibus Excusationibus seu Exceptionibus suprà memoratis; scilicet, eum, qui Delatorem corrumpt, pro convicto haberet in omni causâ, nisi agatur de Sanguine. Clausula hec ab Autore omissa est.

Exceptio, cuius expositionem omisit Autor, quamvis nominatim exprimatur in Regula, quam laudat, nempe 23. de Reg. Jur. in 6. exponitur à CANISIO in illam Regulam. Ibi plura refert exempla punitionis puerorum Innocentium, præ odio criminis Paterni: tales sunt

præsertim ii, qui nati sunt ex Patribus in heresi defunctis, aut læse Majestatis reis, vel extrâ legítimum Matrimonium maximè ex persona Deo dicatis.

Quarta Quæstio, in quâ differitur de Personis, quæ ad accusandum admittuntur, aut feciis, nullius est usus hodie; nam, ut dictum fuit, accusatio reservatur publico Actori. Itaque, Regula cum Exceptionibus XLV. & reliquo famulatus, facta est inutilis. Præterea, credibile est eos, quorū interest, aut qui læsi fuere, danni resarcitionem potuisse semper postulare, ut possunt hodiè, vel per se ipsos, vel per alios. Verba hæc Quæstionis, quibus competant accusations, seu Judicia publica, significare videntur, accusations esse Judicia publica, quorum sunt pars tantum.

Quinta loquitur de iis, qui publicè accusari possunt, & reducitur ad duplex Personarum genus scilicet eas, quæ patraverunt crimen, & eas, quæ in illud influxerunt: Itaque omnes Exceptiones ab Autore observatæ, ut plurimū ad Regulam pertinent; nihil enim aliud sunt, quam casus Societatis in crimen.

Sexta Quæstionis Titulus sic conceptus, Per quos Judicia publica competant, non exponit perspicue sensum ejus; scilicet, an accusatio & defensio rei per Procuratorem fieri possint.

Septima Quæstio, quæ loquitur de Judice delitti, poterat inscribi de Judice accusationis.

REGULA Tertia falsa est, & Cap. 3. de Accusatione eam non probat; absit, ut S. GREGORIUS dixerit, accusatio-nem fieri debere apud eos, quorum interest, quippe qui Judices esse nequeunt.

Quinta, dicens, accusationem publicam fieri non posse coram Magistratu Ecclesiastico, ostendit, Censuras, inter poenias Judiciorum Publicorum numerari non debuisse, cum ab illo solo Magistratu fieri valeant; id tamen Autor facit Cap. 8.

REGULA I. QUÆST. VIII. de Judiciorum adjunctis, sive de rebus ad publica Judicia pertinentibus, non est vera; ubi enim illorum Judiciorum opus est, à monitione Sontium sedulè abstinetur. Secunda non est in usu; nam minimè necessarium est initio discutere personam accusatoris, aut accusati.

#### OBSERVATIONES in CAPUT VII. agens DE POENIS.

Prima pars TITULI, quid veniat in Judicia publica, generalior est ratione consilii de Poenis Sæcularibus agendi.

Pleraque hujus Capitis Regule indicant solùm Textus Juris, qui loquuntur de Poenis, & qui in Regulis transferri possunt, juxta dispositivum: res hæc confi-cienda supereft: nondum autem est absoluta. Divisio adhiberi potest ad Regularum distributionem. Pro Regula proponere debuisset, p[ro]nam temperari debere, habita ratione Circumstantiarum, Personarum, Locorum, Temporum, aliarumve, quæ crimen aut minuant, aut gravant, etiam in casibus, in quibus Leges poenam de-terminant; quia sub eodem Personarum genere, quædam majores, quædam minores sunt; delectus autem fieri debet, circumstantiarum habitâ ratione v. gr. cum poena Capitis à Jure irrogatur, inter varia mortis genera Judex eligere debet; cum exilium fancitur, Judex ipsius durationem, & distantiam loci determinare debet: cum poenis pecuniaris locus est, Judex summam definit. Eadem moderatione, quam adhibere tenetur, ubi poena indeterminata est, uti debet, cum genus ejus est determinatum, eam temperando pro qualitate delicti, ponderati, in omnibus suis circumstantiis, quæ per-sæp[er] magnæ varietate distinguuntur: Judex, qui dispen-sare potest à poenâ per Legem latâ, ipsam minuere valet exequendo Legem, quæ fertur, ob eamdem rationem.

In Regulis circa Personam delinquentium, REGU-LA V. supponit degradationem esse semper necessariam, priusquam Sæculari Potestati Clerici criminis tradan-tur; contrarius est usus non solùm apud Gallos, sed

Z. 4 etiam

etiam in Hispaniâ ac Lusitanâ, ubi sola depositio sufficit. GONZALES in Cap. 10. de *Judiciis* n. 14. usque ad finem.

Lóquendo de circumstantiis Delictorum, observat contrarietatem inter Jus Civile & Jus Canonicum, in eo, quod illud jubeat augeri poenam, ubi delictum frequens est; hoc vero crimen impunitum tolerare, ubi Sontium numerus Magnus est: laudatque Legem 16. §. Fin. de *pénis*, & Can. 31. & 32. Caus. XXIII. Quæst. IV. non tamen eos conciliat, quod fieri potest, dicendo, Legem loqui de casu, quo se veritas ad restaurandam tranquillitatem necessaria est: Canones vero loqui de casu, quo se veritas effectum contrarium pareret. Infra in loco, ubi Autor dicit, Judicem Ecclesiasticum poenam singularem ferre non debere, legi debuit *Sanguinis*, pro *Singularis*, sic postulat Textus ab eo relatus Cap. 4. de *Rapt.* legi.

OBSERVATIONES Generales in CAP. VIII. & IX.  
que agunt de Censuris.

Cum plura sint genera CENSURARUM crebro in Corpore Juris commemoratarum, quæ multas qualitates communes habent, Regulas proponet Autor debuisset circa Censuras generatim consideratas; Consilium ejus id postulabat, quippe quod sit tradere notitiam rerum per eorum genera, species, causas, effectus & proprietates. Omnino autem negligit hæc generalia Capita,

Alius finis Operis, quo facilius fore promittitur studium Juris, aperiendasque esse vias breves, perspicuas, ac certas, quibus perveniantur ad ea, quæ scitu digna sunt, postulabat ut Regulis daretur tanta extensio, quantum pati possunt: plerique autem Regulam ejus restringuntur ad Casus speciales v. gr. à Censurarum natura exordiri debuisset, obseruare ea, quæ in illis singularia sunt, aut communia cum ceteris poenâ; dare Regulam circa varia Censurarum species, singulas complectentem; similem facere de omnibus causis communibus variis Censurarum species, quas serie continuâ exposuerit, idem perficere circa effectus communes, & proprietates pariter communes; conficienda præterea erat Regula generalis de viis, quibus varia Censurarum species extinguuntur; tum singulæ speciatim erant enucleandas per Regulas complectentes ea omnia, quæ ad unamquamque propriæ pertinent, maximè ad Absolucionem, quæ determinata est. Disciplina erat unaquaque Censura præcipua juxta eamdem methodum, & nedum plerique casus particulares colligerentur, sive ii, qui sub Regula continentur, sive qui ab eâ excepti sunt, incumbendum erat Regulis generalibus prefatis, indicando duntaxat precipuos casus singulares, ne nimium extenderetur delineatio Operis; sic enim nuncupari debet potius quam Opus, methodus proposita.

OBSERVATIONES Speciales in CAP. VIII. de EXCOMMUNICATIONE.

Autor proponit dubium in REGULA III. Quæst. II. Scilicet, an pena sit licita? Cujus rationem affert, quod tolerandi sint Mali, juxta priores Textus Caus. XXIII. Quæst. IV. inter quos verba Gratiani ponit. Triplicem Responsum subjicit, cuius duo priora membra congrua non sunt; nempe ait, id habere locum 1. cum Mali Jurisdictioni Prælati non sunt obnoxii 2. Cum occulta sunt crimina, tunc enim Prælatus ea impunita relinquere cogitur, deficientibus Probationibus aut Jurisdictione. Textus autem allegati loquuntur de casibus, in quibus puniri possent, sed in quibus usus illius potestatis non expedit; quia coercitio pacem Ecclesiastica turbaret. Id patet ex

Textibus, quos ad probandam responsum tertiam subnectit, sumptam ex metu induendarum turborum, & divisionis ad schisma properantis.

Aliam dubitandi rationem affert, ex eo, quod pœna inutiles; cui patrocinatur. Can. 19. Cau. XXIII. Quæst. IV. junctis verbis GRATIANI, est & alia, ubi dicit correptionem esse inutilem, sive quia Prædestinati convertuntur absque correptione, ut cernitur in exemplo S. PETRI, qui delictum luxit à nemine reprehensus; sive quia pœna Reprobatos indurat, ut patet in exemplo PHARAONIS. Huic rationi dubitandi Autor respondet per Can. 20. 21. 22. & 23. & sequentem Gratiani sermonem, qui docent, correptionem & flagella, licet aliquando sine ipsis Deus peccatorem convertat, vulgo necessaria esse, tam Prædestinatis, quam Reprobatis; quia illos ad penitendum inducunt, eorumque respectu sunt viae ipsis ad perueniendum in Cœlum preparatae, merente conversionem eorum pœnitentiâ: Reprobatos autem ex eis non proficiunt, quia contemnunt remedia sibi ad sanationem oblata.

Divisio Excommunicationis, quam deinde Autor proponit, valde imperfetta est. Id probari potest per Collationem Tractatus nostri de Excommunicatione, ubi plures alias retuli Divisiones, quin imd autem omittit Excommunicationem Minorum, quæ a receptione Sacramentorum excludit, & vulgo incurritur communicatione cum excommunicatis Excommunicatione Majori. Inde, transiens ad causas Excommunicationis, quam Regula dicit ferri non debere, nisi ob causam manifestam, XXXV. enumera cum earum Exceptionibus. Illæ cause sunt peccata, quorum alia Excommunicatione Majori coercentur, alia aliis Excommunicationibus. Utraque confundit, permiscendo casus 2. speciei cum casibus 1. v. gr. plerique casus Excommunicationis, de quibus loquuntur Canones Apostolorum, quos laudat; sunt Excommunicationis Minoris, Canones, quoque quos allegat ex Causâ XII. circa Excommunicationem, quæ incurritur communicando cum Excommunicatis, vulgo de Minoris tantum Excommunicatione loquuntur.

Monere debuisset, Excommunicationem Majorem causas multò graviores requirere; nempe peccata gravia: peccata autem minora Minoris Excommunicatione esse obnoxia. Vitia haec sunt observata hoc in Cap. indicant, Autorem argumenti sui notitiam accuratam non habuisse. Id planè demonstrabunt vitia mox subiecta, ex quibus præterea apparet, Regulas ex Canonibus absque expositione defumtas, esse perniciose.

*Primam* Causam Excommunicationis esse dicit inobedientiam adversus Decretum, aut iussionem Prælati, nec adjicit justum. Duos casus excepti; unum appellationis, alterum itineris Romam; perinde ac si hic non esset casus appellationis, quamvis nihil aliud sit, quam appellatio tacita.

*Secunda* est contumacia post Monitionem, veluti si non sufficeret Monitionem neglexisse in re gravi: scribendum erat, *Si monitus non corrigitur.*

*Tertia* est vis Prælato facta; nec distinguit eam, quæ justa est, ab ea, quæ injusta est, nec casum, quo aliter quam Excommunicatione repellî potest, ab illo, quo non aliâ repellî potest.

*Quarta* est querela contrâ Episcopum aut Ecclesiam, sine præcedenti Monitione intentata; quasi omissione rei non necessaria, sed tantum decentis, mereri posset Excommunicationem.

*Quinta* est violatio Immunitatis & Libertatis Ecclesiastica; quod restringendum est ad eam, quæ certa est: cum probable non sit Ecclesiam, optimam Matrem, suos Filios excommunicare velle, ob prætentâ delictâ: & quidem suprà dictum est, certam debere esse causam, perinde ac manifestam.

*Sexta*